



HARAKATI ZA UHURU ZILIKUA HADAA TU KWA UMMAH



Tarehe 14 Oktoba ni siku rasmi ya Mapumziko nchini Tanzania ambayo kila mwaka hukumbukwa kifo cha Julius Nyerere, "baba wa taifa" aliyekufa London mwaka 1999.

Siku hii hupewa muhimu mkubwa sana nchini Tanzania, kwani inaadhimisha maisha na urathi wa rais wa kwanza wa Jamhuri ya Muungano wa Tanzania anaechukuliwa kama kiongozi bora aliyebeba jukumu muhimu kama mpigania uhuru na aliye buni nadharia ya kisiasa iliyoboresha mustakabali wa nchi.

Ingawaje Nyerere alitawala kwa

mabavu kwa miaka 24 tangu uhuru wa bendera mwishoni mwa 1961 hadi alipostaafu mwishoni mwa 1985, kama wengine wengi wanaoitwa wapigania uhuru, anatukuzwa sana, na kupewa hadhi ya juu katika kiwango tofauti na uhalisia wa mambo.

Picha halisi ya wanaoitwa wapigania uhuru kama Nyerere, ambaye alikuwa mstari wa mbele kuupambania 'uhuru wa bendera' inaweza kueleweka vizuri zaidi ikifungamanishwa na

Inaendelea Uk. 3

Yaliyomo :

- ♦ **Demokrasia: nidhamu ya kindoto na vurugu isiyo na matumaini hata chembe kwa binadamu.....Uk.2**
- ♦ **Kiinua mgongo mwisho wa utumishiUk.4**
- ♦ **Ufahamu sahihi juu ya hukmu ya 'Dharura'.....Uk. 5**
- ♦ **Mlinzi wa usalama wa watu anawezaje kukimbia akitafuta usalama?!Uk. 8**

KUMBUKUMBU YA FAT'HI YA CONSTANTINOPE 857 AH / 1453 AD



Hakika katika historia ya nyumati kuna masiku yenye kung'ara ambayo ni sehemu ya fakhari kwa nyumati hizo, basi huwaje uzito wake ikiwa masiku hayo ni sehemu ya kuthibiti bishara ya Mjumbe wa Allah (SAW)? Hakika hapa na shaka masiku hayo huwa nyota yenye mwanga angani, bali ni jua lenye kung'ariza dunia na kuunyanyua Ummah juu angani...

Na katika masiku hayo ni masiku ya kumbukumbu ya ufunguzi wa Constantinople ... Hakika ulianza ufunguzi wa Constantinople na kuizingira kuanzia tarehe 26 Rabiul Awwal hadi ulipotimia ufunguzi huo alfajiri ya Jumanne tarehe 20 katika mwezi kama-huu wa Jamad Al-uula 857 AH, yaani mzingiro uliendelea kwa kiasi cha miezi miwili. Na alipouingia Muhammad Al-Fatih katika mji, hali ya kuwa ni mshindi alishuka juu ya farasi wake akatembea kwa miguu, na akasujudu kwa ajili ya Allah SW kumshukuru kwa ushindi huo adhimu.

Inaendelea Uk. 6

DEMOKRASIA: NIDHAMU YA KINDOTO NA VURUGU ISIYO NA MATUMAINI HATA

CHEMBE KWA BINADAMU

Tanzania kwa mara nyengine kwa siku kadhaa kuanzia tarehe 29 Oktoba 2025 imeingia katika machafuko ya chaguzi za kidemokrasia na kugharimu maisha ya wengi na kusababisha hasara kubwa pia katika mali binafsi na miundombinu ya Umma.

Machafuko ya mwaka huu yamekua makubwa zaidi ukilinganisha na machafuko yaliyotanguka kisiwani Pemba mwaka 2020 na penginepo.

Maafa na vurugu katika chaguzi za kidemokrasia duniani ni mambo maarufu. Ripoti za kilimwengu zinakadiria kuwa vurugu hutokea kwa takriban 19% kiumlimwengu na takriban 58% ya chaguzi za barani Afrika! Bali tumeshuhudia hata katika nchi za wanaoitwa vinara wa demokrasia kama Marekani katika uchaguzi wao Novemba 2020 baada ya kushindwa Trump (ile mara ya kwanza), katika Januari 6 mwaka uliofuata magenge ya wafuasi wake walifanya machafuko na uvamizi mkubwa katika jengo la Bunge la Marekani (Capitol Hill) na kuripotiwa vifo kadhaa.

Machafuko, vurugu, maafa na mivutano ni mambo ya kutarajiwa kwa kuwa nidhamu ya kidemokrasia ambayo ni nidhamu ya kisiasa ya kibepari imejengwa juu ya msingi unaopelekea mambo hayo.

Demokrasia ni nidhamu iliyojengwa juu ya kipimo kimoja tu cha hatari katika matendo, nacho ni 'maslahi'. Yaani mtu hutenda jambo au huacha kutenda ikiwa



kuna maslahi. Si ajabu kwa mwanademokrasia awe katika utawala au upinzani kutenda au kuhamasisha wengine kutenda jambo litakalodhamini maslahi.

Kwa kuzingatia msingi huo wa maslahi, vyama vyote vya kidemokrasia havipo kutetea au kupigania ustawi wa wananchi, bali ni vitega uchumi vya wanasiasa, amma kwa kula ruzuku ambayo ni mali ya Ummah, kutarajia teuzi, kutafuna misaada ya wakoloni, kula michango ya wafadhili, matajiri na ya wanachama nk.

Aidha, nidhamu ya kidemokrasia inashikilia fikra chafu za Machieveli zinazohubiri msimamo usemao: 'njia yoyote ni halali ikiwa itakufikisha kwenye lengo'. Katika demokrasia na waumini wake wanaweza kutenda chochote, kuwa vigeugeu, kuuwa, kugombanisha kwa misingi ya ubaguzi wa kidini na kimaeneo hata kiwe na madhara kiasi gani ili kufikia kile wanachodhamiria.

Kimsingi, mfumo wa kibepari hauna kitu halali au haramu, bali halali kwao ni lolote lenye kufikia malengo husika.

Kwa maumbile hayo ya demokrasia ni wazi nidhamu hiyo haiwezi kuepuka migogoro, husuma na vurugu zisizokwisha, hali inayoifanya nidhamu hiyo sio tu

tete, inayokosa nishati na isiyo na msimamo, bali kubwa zaidi inadhihirisha kutokuwa na uwezo wa kumtumikia mwanadamu kwa uadilifu.

Basi yamtosha kila mtu makini na mwenye nia njema ya kuleta mageuzi ya kweli kujiepusha mbali kushiriki au kuunga mkono mchakato wa uwongo wa kidemokrasia. Na kwa Waislamu kushikamana na njia/manhaj sahihi ya Kiislamu ya mageuzi kama alivyofundisha Mtume (SAAW)

Na kwa wasiokuwa Waislamu muda umefika kwao kutafiti mfumo mbadala wa Kiislamu na njia yake ya mageuzi, kisha wasilimu na kujitenga na ubepari mfumo muovu, dhaifu na tete ambao watu huona kana kwamba wameshikilia kitu imara kumbe ni udanganyifu mtupu.

مَثَلُ الَّذِينَ اتَّخَذُوا مِنْ دُونِ اللَّهِ
أَوْلِيَاءَ كَمَثَلِ الْعَنْكَبُوتِ اتَّخَذَتْ بَيْتًا
وَأَنْ أَوْهَىٰ إِلَيْهَا لَبِيَّةٌ لِّتَبْتَ الْعَنْكَبُوتُ
لَوْ كَانُوا يَعْلَمُونَ

"Mfano wa waliowafanya walinzi (wasimamizi wa mambo yao) badala ya Mwenyezi Mungu ni mfano wa buibui anavyojifanyia nyumba. Na hakika nyumba dhaifu mno kulioko zote ni nyumba ya buibui laiti wangelijua "(29: 41)

Mhariri

01 Jamadul Awwal 1447 Hijria

Novemba 2025 M

jukwalakhilafah@gmail.com

muktadha wa kimataifa wa wakati huo.

Baada ya Vita vya Pili vya Dunia, nafasi za mabwana wakoloni wakongwe, yaani Uingereza na Ufaransa, iliyumba kimataifa. Badala yake, Marekani iliibuka kuondosha na kupinga ushawishi wa mataifa hayo mawili ya kikoloni kimataifa. Licha ya (Marekani na mabwana hao wawili) wote kubeba mfumo mmoja wa kibepari, lakini mataifa hayo yanatofautiana katika maslahi yao ya kitaifa.

Uingereza iliweka mikakati kadhaa kujilinda na hali hiyo ili kudumisha mamlaka na ushawishi wake uliokuwa unafifia katika makoloni yake. Ilichukua hatua kama vile kuimarisha jumuiya yake ya Madola (Commonwealth), kutanua kwa uimara mkubwa mtandao wake wa elimu katika shule na vyuo vikuu na kutumia taasisi hizo kufinyanga vibaraka waaminifu iliyo walenga kuwapatiwa uhuru bandia 'wa bendera' ili kukaibiliana na wimbi la upinzani la kimataifa linaloongozwa na Marekani na kuendelea kuhifadhi ushawishi wake.

Mabingwa wa Uingereza katika tasnia ya elimu katika makoloni ya Uingereza kama Lord Cromer aliyekuwa Misri na Lord Macaulay wa India walifafanua wazi kuwa, lengo la mfumo wa elimu wa Uingereza lilikuwa ni kuendelea kuwabakisha wenyeji wa makoloni yao na sura zao tu, lakini

kuwabadilisha tabia na mienendo yao kulingana na tamaduni, sera na mitazamo ya Kiingereza.

Chuo Kikuu cha Makerere nchini Uganda katika Afrika Mashariki ilikuwa mojawapo ya mifano mingi iliyochangia katika mkakati huu wa Kiingereza. Ni dhahiri, Nyerere alikuwa mmoja kati ya wale walioipitia mafunzo hayo Makerere, kisha kupata elimu zaidi na kupigwa msasa zaidi huko Edinburgh (Uingereza).

Nyerere alijitolea na kuwa mfuasi thabiti wa Uingereza, kiasi kwamba hata wakati jaribio la kutaka kupinduliwa lilipojitokeza katika miaka ya sitini, Uingereza kwa haraka sana ilikuja kumuokoa 'kijana wao'.

Aidha, Nyerere alipewa jukumu na Uingereza kwenda Zanzibar haraka ili kurahisisha muungano wa vyama vilivyokuwa vikiitwa vya Kiafrika na Shirazi, na hivyo kuzaliwa Chama cha Afro Shirazi, kilichokuwa kikifanya kazi nyuma ya pazia la Uingereza. Chini ya mwongozo wa Nyerere, Chama cha Afro-Shirazi kilifanikiwa kuipindua serikali ya Zanzibar, kisha kwa haraka kikaleta Muungano kati ya Tanganyika na Zanzibar kufuatana na maelekezo ya Uingereza.

Bila kusahau jinsi chama hicho (Afro-Shirazi) kilivyotumiwa kupandikiza chuki na kuendeleza mizozo ya kibaguzi na kupelekea vurugu baina ya Waislamu wa Zanzibar na Umma kwa ujumla. Kuhusu Tanganyika, Nyerere atakumbukwa jinsi alivyowatenga

Waislamu, kuvuruga umoja wao, kuvunja taasisi zao, kuwapuuzilia mbali, licha ya mapokezi mazuri na mwanana waliyompa, heshima kubwa waliyomuone-sha, kumtumikia, na kushikana naye bega kwa bega katika harakati za uhuru.

Nyerere aliacha nchi chini ya mamlaka ya Uingereza yaliyofichwa nyuma ya uhuru bandia, aliwapa waingereza kila fursa ya kutumia rasilimali za nchi, huku raia wa kawaida, hasa Waislamu na wasio Waislamu wakipambana na taabu na kutokujua mustakabali wao kimaisha.

Hivi ndivyo, kauli mbiu za 'uhuru' na 'ukombozi' zilivyotumiwa kuhadaa watu, na Umma ukatengenezewa mashujaa bandia, ambao kwa kweli walikuwa wakala wa wakoloni. Ukombozi na mashujaa wa kweli watapatikana pale tu Itikadi ya Kiislamu itakaposhika hatamu chini ya Dola yake ya uadilifu ya Khilafah.

Imeandikwa na Said Bitomwa

Mwanachama wa Afisi ya Habari ya Hizb ut Tahrir

Kwa Ajili ya Afisi Kuu ya Habari ya Hizb ut Tahrir

KIINUA MGONGO MWISHO WA UTUMISHI

Swali:

Huenda ikawa kuna jambo limekushungulisheni, Allah Aku-saidieni, nimependa nikukum-busheni swali langu kwa haja yangu kubwa ya jibu. Allah aku-wafikisheni na apitishe kheri kwa mikono yenu.

Assalamu Alaykum Warahmatullah, maamkizi mema kutoka kwa Allah kwenu,

Sheikh wetu mkarimu,

Ni ipi hukmu ya kisharia ya kutafuta kiinua mgongo mwisho wa utumishi kwa ajili ya mfanyakazi aliyetumia miaka kadhaa katika kazi yake kwa uzuri na akadai mshahara wake “waliowafikiana” kutoka kwa mwenye kazi bila ya dhulma au kasoro katika kipindi chote cha kazi yake?

Na kwa maelezo mengine, je huzingatiwa kiinua mgongo mwisho wa utumishi kulikotajwa katika kanuni iliyopo na inayofanyika kazi leo ni haki kisharia kwa ajili ya mfanya kazi aliyemaliza muda wake wa kazi? Na je huzingatiwa yule mwenye kazi kukataa kulipa fedha za malipo ya kiinua mgongo ni kula haki (ya mwengine) na kutenda haramu?

Huku tukizingatia kwamba kanuni iliyopo inaeleza kwamba theluthi moja ya kiwango cha mshahara wake wa kila mwezi kwa kila mwaka wa utumishi alipwe mfanyakazi aliyetumikia



katika kazi yake kwa muda wa chini ya miaka 5, na theluthi mbili ya mshahara kwa kila mwaka wa utumishi kwa mfanyakazi aliye-tumikia katika kazi yake kuanzia miaka 5 – 10, na mshahara kamili kwa mwenye kuvuka miaka 10 katika utumishi.

Allah akupeni baraka.

Kwa heshima nataraji mutanijibu kwa haraka kwasababu ya haja na dharura.

Wasalamu Alaykum Warahmatullah Wabarakatuh.

Jawabu:

Waalaykum Salam Warahmatullah Wabarakatuh,

Ewe ndugu yangu, hakika Waislamu wanafuata masharti yao (waliyowekeana) kama ilivyoelezwa katika hadithi tukufu, ambayo ameitoa Tirmidh katika *Sunan* yake na akielezea kuwa ni hadithi *hasan* na ni sahihi: “Ametueleza Kathir bin Abdillah bin Amr bin Auf Almuzani kutoka kwa baba yake kutoka kwa babu yake kwamba Mtume (SAAW) amesema: *“Na Waislamu wanalazimika kufata masharti yako (waliyowekeana) isipokua sharti lililoharamisha halali au lililohalalisha haramu”*.

Hivyo basi, ikiwa pameelezwa katika mkataba wa kazi kati ya mfanyakazi na mwenye kazi sharti kwamba mfanyakazi atalipwa kiinua mgongo fulani mwisho wa utumishi, basi itakua ni haki ya mfanyakazi kwa mujibu wa sharti la mkataba.

Vilevile, ikiwa mkataba wa kazi kati ya mfanyakazi na mwenye kazi unafuata kanuni ya masharti ya kanuni ya kazi inayotakiwa kutendwa na mwenye kazi, na ikawa kanuni hii inaeleza kwamba mfanyakazi atalipwa kiinua mgongo fulani mwisho wa utumishi, basi kitakua (kiinua mgongo hicho) ni haki ya mfanyakazi kwa mujibu wa sharti la mkataba.

Ikiwa hakuna lolote lililotajwa katika haya kama ilivyobainishwa hapo juu, basi hupewa mshahara wake tu (huyo mfanyakazi) na hatalipwa kiinua mgongo cha mwisho wa utumishi.

Haya ndiyo ninayoyaona sawa katika mas-ala haya. Na nataraji yamekaa wazi, na Allah ndie mjuzi zaidi na mwenye hekima zaidi.

Ndugu yenu Ata ibn Khalil
Abu Rashta
11, Rajab 1440H
13, Machi 2019.

UFAHAMU SAHIHI JUU YA HUKMU YA 'DHARURA'

Kwa bahati mbaya sana imekuwa ada kwa baadhi ya watu kuhalalisha haramu kwa kisingizio cha hukmu ya 'dharura' kimakosa. Baadhi yao hudiriki kutumia hukmu hii ya dharura kuchukua mikopo ya riba, kufanya kazi ambazo kwa dhati yake ni haramu kwa Muislamu, kupokea au kutoa rushwa, kupigia debe vyama vilivyosimama katika misingi ya kikafiri, kutetea mchakato wa katiba za kikafiri na kushiriki katika chaguzi za kidemokrasia kwa madai ya dharura. Wanachukua kipimo hicho kwa kisingizio kwamba Allah (s.w) karuhusu katika dharura kula nyama ya nguruwe na vyakula vyengine ambavyo ni haram ikiwa mtu yupo katika hali mbaya itakayomsababishia kifo.

Twaseema ni kweli kwamba Allah (s.w) amesema:

إِنَّمَا حَرَّمَ عَلَيْكُمُ الْمَيْتَةَ وَالدَّمَ وَلَحْمَ الْخِنْزِيرِ وَمَا أُهْلَ بِهِ لِغَيْرِ اللَّهِ فَمَنْ اضْطُرَّ غَيْرَ بَاغٍ وَلَا عَادٍ فَلَا إِثْمَ عَلَيْهِ إِنَّ اللَّهَ غَفُورٌ رَحِيمٌ

"Hakika Yeye amekuharamishieni mzoga na damu na nyama ya nguruwe na kilichotajiwa katika kuchinjwa kwake jina la asiyekuwa Mwenyezi Mungu, lakini aliefikiwa na **dharura** bila ya kutamani wala kupita kiasi,



yeye hana dhambi. Hakika Mwenyezi Mungu ni mwenye kusamehe, mwenye kurehemu (2:173).

Kwa hivyo, mtu akiwa katika hali mbaya sana kiasi cha kupelekea kupoteza maisha yake na akawa hana njia nyengine halali kunusu-ru maisha yake anaruhusiwa kula chochote

katika vyakula hivi vilivyo-haramishwa ili anusuru uhai wake. Hapa lazima ieleweke kwamba hukmu hii ni maalum (khaas) kwa ajili ya mambo maalumu na kwa mazingira maalum. Na kamwe hii si hukmu jumla jamala (A'mm) kwa hali yoyote itakavyokua au mazingira yoyote. Kama kwa bahati mbaya ilivyokunjuliwa kwa upana kima-kosa na baadhi kiasi cha kuhusisha hali kando na makusudio yake.

Hebu tuangalie kidogo namna gani baadhi ya maulamaa wakubwa walivyofafanua kuhusu hukmu ya dharura hususan kutoka katika aya tulioitanguliza:

Imam Al-Razi Al-Jassas al- Hanafi katika Tafsiri yake ya **Ahkam al Qur-an** (Vol 1/159)

anasema:

"Hapa maana ya dharura inahusu khofu ya kifo na mi-guu (nguvu za mwili) wakati mtu anapoacha chakula kilicho haramishwa". Ibn Qudamah al-Maqdasi al Hanbal amesema katika kitabu chake cha Al-Mughni :

" Sababu ya ruhusa ya kula haramu ni kwa lengo la kuzuia mtu kutokana na madhara makubwa ya kimwili, kwa sababu jambo hili ni aula zaidi kuliko madhara ya kutokula haramu" (Al Mughni 9/331)

Imam Abu Hamid Al Ghazal Al-shafi katika kitabu chake cha **Wasit** (7/168) amesema:

"Kuhusu dharura itatumika katika hali ambayo itampelekea mtu kupata madhara makubwa ya kimwili, kwa mfano ikiwa atakhofia kwamba ku-umwa kwake huenda kukapelekea kifo....."

Kwa mujibu wa maulamaa hukmu ya dharura hutekelezwa kwa masharti kwamba:-

a. Hakuna namna nyengine ya mtu kuepuka qadhia hiyo.

b. Iwe kuna khofu ya moja kwa moja ya mhusika kupoteza maisha au kudhurika kiwiliwili

Inaendelea uk 7

Kisha akaelekea kwenye kanisa la “Hagia Sofia” ambako walikusanika humo Waroma na Makasisi wao, akawapa amani na akaamrisha kubadilishwa kwa kanisa la “Hagia Sofia” kuwa msikiti, na akaamrisha kujengwa msikiti karibu na eneo la kaburi la sahaba mtukufu “Abu Ayoub Al- Ansari” (Allah Amrehemu na kumridhia) ambaye alikuwa katika safu za awali za kutaka kuifungua Constantinople na akafishwa hapo. Kisha ‘Al-Fatih’ ambaye alipewa lakabu hii baaada ya ufunguzi huu akatoa maamuzi ya kuufanya mji wa Constantinople, kuwa ndio mji mkuu wa dola yake, badala ya ule wa mwanzo wa Edirne, na baada ya ufunguzi huu wa mji wa Constantinople (Kostantiniyye) ukapewa jina la “Islam Bul” yaani ‘mji wa Uislamu’ “Dar Al-Islam”, na ukajulikana mji huo kwa jina mashuhuri la “Istanbul”.

Al-Fatih baadae akaingia katika mji akaelekea “Haga Sofia” na akaswali humo na likawa (kanisa hilo) msikiti kwa fadhila za Allah, Neema na Hamdu zake ... Na ukabaki hivyo kuwa msikiti twahir wenye kung’aa unaoimarishwa na Waumini mpaka alipoweza muovu wa zama hizi Mustafa Kamal kuzuiya kuswaliwa humo na akaunajisi kwa kuufanya kuwa makumbusho kwa ajili ya wanaokuja na kuondoka!

Na hivi ndivyo ilivyofikiwa bishara ya Mtume (SAW) katika Hadithi yake tukufu, kutoka kwa Abdillahi bin Amr bin Al-As amesema: Tulikuwa tumemzunguka Mtume (SAW) tunaandika, mara akaaulizwa Mtume (SAW) mji gani katika miji miwili utakaofunguliwa mwanzo, Constantinople au

Roma? Mtume (SAW) akasema:

«فُسْطَاطِيْنِيَّةٌ يَغْنِي أَوَّلًا، تُفْتَحُ هِرَقْلَ مَدِيْنَةُ»

“Mji wa Heraclius utafunguliwa mwanzo, yaani Constantinople”. Imepokewa na Ahmad katika Musnad wake na Hakim katika Al-Mustadrak na akasema “Hadithi hii ni sahihi kwa sharti ya mashekh wawili, na wao hawakuitoa”. Na akaiwekea maelezo Al-Dhahabi katika Al-Talkhis akasema: “Kwa sharti ya Bukhar na Muslim”. Na vilevile imekuja katika Hadithi tukufu kutoka kwa Abdillahi bin Bishr Al-Khath’ami kutoka kwa baba yake, hakika yeye amemsikia Mtume (SAW) akisema:

“Itafunguliwa Constantinople, na Amir bora ni Amir wake na jeshi bora ni jeshi hilo”

akasema Abdillahi bin Bishr Al-Khath’ami, aliniita Maslama bin Abdil-Malik akaniuliza, nikamuelezea kuhusu (Hadithi hiyo) akafanya uvamizi wa kutaka kuifungua Constantinople. Imepokewa na Ahmad.

Na kumekuja maelezo yake (Hadithi hiyo) katika kitabu cha Majmai Al-zawaid “Ameipokea Ahmad, Al-bazar na A-Twabarani na wapokezi wake ni wa kutegemewa”...

Basi ikafikiwa bishara hii katika mikono ya kijana huyu Muhammad ‘Al-Fatih’ ambaye alikuwa si zaidi ya miaka ishirini na moja, lakini aliye-tayarishwa kwa matayarisho imara tangu utoto wake. Baba yake mzazi Sultan Murad II alimlea vyema akamfanya asome kwa walimu bora wa zama zake.

Enyi ndugu zangu, nimependa niwakumbushe baadhi ya mambo kuhusu ukombozi wa Constantinople kwa sababu tatu:

Kwanza: Kurejesha kumbukumbuki zizi hizi ili kila mwenye macho mawili

aone ulivyo utukufu wa Uislamu na Waislamu, unapowe kwa Uislamu wao kwenye nafasi ya utabikishaji wakati huo ukafiri unakuwa hauwezi kusimama, bali haki huwa juu na kunyanyuka mnyanyuko wa adhana (Allahu Akbar), na hakika ilikua hivyo, Fursi na Bayzantine zikanyenyekea mbele yake na karibu InshaAllah itazifuata hizo ndugu wa Byzantine ambae ni Rome kusadikisha sehemu nyengine ya bishara ya Mtume (SAW) kwa ukombozi wa Rome...

Pili: Ili nyoyo zenu zipate kutulia kwa kuzihakikisha bishara nyengine tatu za Mtume (SAW), kama ilivyofikiwa bishara ya kwanza, hakika ametubashiria Mtume (saaw) ukombozi wa Constantinople, ukombozi wa Rome, kurejea kwa Khilafah kwa njia ya Utume, kupigwa kwa Mayahudi na kushindwa kwao vibaya mno... Na Mtume (SAW) hatamki kwa matamania yake, hayakuwa anayoyatamka ila ni Wahyi. Na zitafikiwa bishara tatu za Mtume (SAW) zilizobakia kwa idhini ya Allah Aliyetakasika. Lakini hazitofikiwa kwa kuteremka Malaika kutoka mbinguni ili watupe sisi, bali hakika ya utaratibu wa Allah SW ni kuwa tumnusuru Yeye naye Atupe ushindi sisi. Kwa hiyo, tusimamishe sharia yake na tunyanyue ukubwa wa Dola yake na tutayarishe nguvu tunazoweza kisha tupigane jihadi katika njia yake.

Inaendelea uk 7

Na wakati huo ardhi itang'aa kwa bishara tatu zilizobakia, na ardhi itang'aa upya kwa Khilafah...

Tatu: Hakika wamagharibi makafiri pamoja na makhaini waarabu na waturuki wameweza kuivunja Khilafah katika 1342H /1924 AD na kuchukulia kuangusha huku ni sawa na ukombozi wa Constantinople, na hapo makafiri wamagharibi wakarejesha nguvu waliyoikosa. Na hima ya wamagharibi imekuwa ni kutumia juhudi katika kutorejea Khilafah upya, ili nguvu waliyoirejesha isije ikapotea, na hasa kwa kuwa wamekuwa ndio wakoloni wa miji ya Waislamu. Na wamekuwa wanafuatilia harakati katika biladi za Waislamu.

Mwisho, hakika misimamo yenu yenye nguvu, yenye kuthibiti juu ya haki, iliyo safi dhidi ya kampeni za mfululizo dhidi ya da'wa yetu ya haki inatukumbusha misimamo ya masahaba (RA) waliofuata misimamo ya Mtume (SAW) iliyo Madhubuti katika kukabiliana na shida kadhaa...Hii ndio misimamo yenu, misimamo imara na thabiti haidhoofiki kwa mitihani na wala haitikisiki kwa fitna, bali azma zenu daima zinapata nguvu kwa haki na munaiangalia dunia mara moja na mnaaingalia akhera mara kadhaa.

Basi thibitini katika misimamo hiyo katika ulinganmizi na kuutumikia kwenu Uislamu ili kuweza kuzifikia bishara zilizo bakia.

﴿رَجَالٌ لَا تُلِهِمْ تِجْرَةٌ وَلَا بَيْعٌ عَنْ ذِكْرِ اللَّهِ وَإِقَامِ الصَّلَاةِ وَإِيتَاءِ الزَّكَاةِ يَخَافُونَ يَوْمًا تَتَقَلَّبُ فِيهِ الْقُلُوبُ وَالْأَبْصَارُ - لِيَجْزِيَهُمُ اللَّهُ أَحْسَنَ مَا عَمِلُوا وَيَزِيدَهُم مِّن فَضْلِهِ ۗ وَاللَّهُ يَرْزُقُ مَن يَشَاءُ بِغَيْرِ حِسَابٍ﴾

“Wanaume ambao hawashughulishwi na biashara wala kuuza wakaepukana na utajo wa Allah, Na husimamisha swala na kutoa zaka, wanaiogopa siku ambayo nyoyo na macho vitakodoka. Ili Allah awalipe mazuri kwa yale waliyoyatenda na ili awazidishie katika fadhila zake. Na Allah anamruzuku amtakeae bila ya hisabu” [Nur: 37-38]

Na mwisho wa yote, nanyenyekea kwa Allah (SWT) afuatishe kufikiwa kwa bishara za Mtume (SAW) irejee Khilafah ya ummah huu, kisha ikombolewe Quds yake, na kisha ikombolewe Rome kama ilivyotangulia ndugu yake na ikawa... Kusadikisha ukweli wa Hadithi za Mtume (SAW) ... Kama ambavyo tunamuomba Allah (SWT) Atupe msaada kutoka kwake ili tufanye amali ya da'wa vizuri na kwa usafi wake ili tuwe tunastahiki nusra ya Allah Mwenye kushinda Mwenye kurehemu.

﴿فِي بَضْعِ سِنِينَ ۖ لِلَّهِ الْأَمْرُ مِنْ قَبْلُ وَمِنْ بَعْدُ وَيَوْمَئِذٍ يَفْرَحُ الْمُؤْمِنُونَ - بِنَصْرِ اللَّهِ يَنْصُرُ مَن يَشَاءُ وَهُوَ الْعَزِيزُ الرَّحِيمُ﴾

“ Na siku hiyo watafurahi Waumini. Kwa nusra ya Allah humnusuru amtakeae naye ni Mwenye kushinda Mwenye kurehemu” [Rum: 4-5]

c. Ruhusa ya dharura isiathiri haki za wengine. Kwa mfano, Baadhi ya maulamaa wamekataka kula nyama ya binadamu kutokana na njaa, kwa sababu hili litaathiri haki za maiti huyo.

Kwa ufupi, maulamaa wa madhehebu yote manne wamekubaliana kwamba hukmu ya dharura inakubaliwa lakini katika hali maalum na kwa jambo maalum ambalo litaatarisha moja kwa moja maisha au madhara makubwa ya kimwili. Kuikunjua hukmu hii katika mipaka nje ya makusudio yake maana yake hakutokuwa na haramu itakayokosa kisingizio cha dharura. Tukumbuke wakati Waziri Mkuu wa Uingereza David Cameron alipozitaka nchi za Jumuiya ya Madola zitambue rasmi ndoa za mabaradhuli, au nchi yake itazuia misaada kwa nchi hizo ikiwemo Tanzania. Masheikh ndani ya Tanzania walisimama kidete na ufahamu sahihi wa Kiislamu kwamba tusikubali uchafu huo hata kama ni 'kula udongo'. Hawakujua hukmu ya dharura licha ya kuelewa wazi kwamba zaidi ya nusu ya bajeti za nchi zetu zinategemea misaada ya nje. Na hii ni dalili kwamba hukmu hii haikunjuliwi katika kila hali

MLINZI WA USALAMA WA WATU ANAWEZAJE KUKIMBIA AKITAFUTA USALAMA?!

Jeshi la Sudan liliutelekeza mji wa El-Fasher na kukimbia kuli-kopelekea kikundi cha waasi cha (RSF) kuuchukua mji huo na kuleta maafa makubwa kwa raia na mali.

Mkuu wa majeshi wa Sudan ali-dai kwamba uongozi wa kijeshi ikiwemo kamati ya usalama, ulitathmini kwamba walilazimika kuondoka mji huo kutokana na uharibifu wa makusudi na mauaji ya makusudi ya raia. Waliamua kuondoka jijini na kwenda mahali salama ili ku-waokoa raia waliobaki na wengine mjini humo kutokana na uharibifu”!!

Kwa hivyo nini kilitokea?! Je, waliwaokoa watu kutokana na mauaji baada ya kujiondoa huku?! Jibu, ambalo ulimwengu mzima ulishuhudia kupitia video zilizorekodiwa na vikosi vya uasi vya (RSF) wenyewe, ni kwamba mauaji halisi yalianza baada ya makamanda wa jeshi, vikosi vya pamoja, na maafisa kujiondoa. Habari kutoka El Fasher ziliripoti kwamba RSF ilifanya mauaji mengi hadharani katika moja ya vitendo vikubwa zaidi vya kulipiza kisasi ambavyo Sudan imeshuhudia wakati wa vita hivi viovu. Hata wanawake na wazee hawakusalimika. Ripoti za haki za binadamu za Umoja wa Mataifa zilisema kwamba takriban raia 1850 waliuawa Kaskazini mwa Darfur, wakiwemo angalau 1350 huko El Fasher pekee. Inapaswa kukumbukwa kwamba idadi hii haionyeshi idadi halisi ya waathiriwa kutokana na mawasiliano duni.

Kufuatia qadhia hiyo Hizb ut Tahrir / Wilayah ya Sudan ilitoa taarifa hii kwa kutamka :

“Tunawawajibisha viongozi wa Vikosi vya uasi vya RSF na askari wao waliotekeleza ukatili wao, na tunawakumbusha maneno ya Mwenyezi Mungu (swt)

“Na mwenye kumuwa Muumini kwa kukusudia, basi malipo yake ni Jahannamu humo atadumu, na Mwenyezi Mungu amemkasirikia, na amemlaani, na amemuandalia adhabu kubwa.” [An-Nisa: 93].

Pia tunaiwajibisha serikali kwa kuchelewa kuwasaidia watu wa El-Fasher na kuondoa mzingiro dhidi yao, ilhali wanao uwezo wa kufanya hivyo, lakini kuna wale wanaofunga mikono yao na kuwazuiya kufanya hivyo, hadi mji wa El-Fasher ukatekwa.

Amerika ilikuwa ikisubiri El-Fasher ianguke. Iitoa ruhusa kwa vikosi vya (RSF) kuzingira mji na kuushambulia kwa zaidi ya majaribio 268 hadi hatimaye ulipanguka. Mshauri wa Trump wa Mashariki ya Kati na Afrika, Massad Boulos, alitoa maoni kuhusu kilichotokea El-Fasher, akisema, “Kilichotokea hakishangazi!”

Tunawaambia jeshi la Sudan kwamba kiongozi hatoroki kwa ajili ya usalama, akiwaacha nyuma watu wake wasio na ulinzi, watu ambao usalama wao ni jukumu lake. Viongozi na maafisa wanawezaje kujiondoa, wakiwatelekeza raia kwenye mateso na mauaji wanayojua vizuri? Historia ya RSF imefunanishwa na mauaji, uunguzaji moto, ubakaji, na kila aina ya ukatili popote wanapoen-da.

Wanawezaje kuwatelekeza watu huku wakijua hatima yao? Kiongozi katika Uislamu hatoroki kamwe; hivi ndivyo Mtume wa Mwenyezi Mungu (saw) alivyotufundisha, naye ndiye mfanobora zaidi:

Siku ya Hunayn, Mtume (saw) alisimama imara, akisonga mbele na kukabiliana na hatari kwa ujasiri mkubwa, wakati ambapo vita vilizidi na Waislamu wakaanza kukimbia vita. Yeye (saw) alisimama wima, akiwaita hadi walioporudi na wakawa washindi.

Enyi watu wa El-Fasher, watu wote wa Sudan na Waislamu kila mahali:

Tunahitaji kiongozi anayefuata mfano wa Mtume wa Mwenyezi Mungu (saw) kutuongoza kwa Kitabu cha Mwenyezi Mungu (swt) na Sunnah ya Mtume Wake (saw) ili kuhifadhi maisha yetu na kulinda heshima yetu. Hili litatokea tu ikiwa tutafanya kazi kumpata, kwa kufanya kazi kwa bidii pamoja na Hizb ut Tahrir ili kusimamisha Khilafah Rashida ya Pili kwa njia ya Utume.

“Enyi mlio amini! Muitikieni Mwenyezi Mungu na Mtume anapo kuitieni jambo la kukupeni uzima wa milele. Na jueni kuwa Mwenyezi Mungu huingia kati ya mtu na moyo wake, na kwamba hakika kwake Yeye tu mtakusanywa.” [Al-Anfal: 24]

**Ibrahim Othman (Abu Khalil)
Msemaji Rasmi Hizb ut Tahrir
Wilayah Sudan**

Kumb: HTS 1447/47

Jumatano , 29, Oktoba 2025

7 Jumada I 1447 H